



1 4
1544
153



14
1544
153

童山文集卷十六

墓誌銘上

綿州李調元雨村

誥授文林郎翰林院檢討充國史館纂修鶴林張公墓誌銘

哀哉吾友其亡矣計吾友生平握手論交指不勝屈而相視莫逆唯余一人乃余以先人大故奔馳四方幾足踴日腫而吾友又頻年困卧床褥以至于歿不獲面訣痛何如乎昨已取其生平所為詩又序之以授其子鑑矣今其子又求為墓誌余曾憶生前吾友嘗相戲曰吾

14
1544
153

童山文集卷十六

綿州李調元雨村

墓誌銘上

誥授文林郎翰林院檢討充國史館纂修鶴林張公墓誌銘

哀哉吾友其亡矣計吾友生平握手論交指不勝屈而相視莫逆唯余一人乃余以先人大故奔馳四方幾足跣目腫而吾友又頻年困卧床褥以至於歿不獲面訣痛何如乎昨已取其生平所為詩又序之以授其子鑑矣今其子又求為墓誌余曾憶生前吾友嘗相戲曰吾

若死必得君爲誌余竊怪其不祥然謂達者之言嗚呼孰知其竟成讖乎是非吾爲誌不可也公諱習字鶴林先世有官中書者自晉洪洞遷於秦涇陽之辛官里鼎革後伯祖振祚以順治孝廉任江西泰和令一載卒於官祖丕祚廩生父鳳徵年幼家貧遂棄學從商於四川之成都因家焉生公三人長翽廩生三翥庚辰舉人現任梓潼縣訓導次卽公也公幼好讀書不喜嬉遊性至孝兒時從師塾中有遺以餅餌者必懷歸以食太孺人以是識者知其不凡體素羸有百藥之目而手不釋卷父母每痛抑之弗顧也丙辰家遭回祿生計愈艱乙丑

兄翽遊庠太封翁卽於是年捐館舍公與兄哀毀骨立共坐苦廬而室如懸磬債若蝟集兄與公謀自携弟姦授館於外家務俱命公主持時公年十七上事太孺人下撫弱妹外應門戶凡井臼之事靡不躬親是時同里胡公政者家頗裕公叩門求貸胡公哀其勤苦借粟若干路頗遠公自負米而歸胡公目送之嘆曰孝子也隨遣人議婚卽今孺人也而家計益迫兼年歉米貴公日則爲人傭書夜則焚膏誦讀始於戊辰補博士弟子員於是與兄俱館於外而束修所入不敵所出乃與兄謀仍爲商作鹽販肩挑車運鬻於雲貴邊境龍宮虎窟跌

陷數次懸崖絕壁之間奔苦者幾三年而所獲卒無幾公乃慨然曰利之不成名又安在大丈夫終當奮志青雲焉能齷齪爲此乎卽先歸留兄收債於後遂閉戶卒業以丙子歲考高等食廩遂入錦江書院肄業己卯中鄉試二十七名此時雖賀客滿門而囊無一錢已自分不入春闈矣是科座主少尉周立崖先生知之因挈與偕行上道至京卽館於周宅明年庚辰成進士改庶吉士蓋自爲商以至成名盤根錯節卒紅青紫登瀛洲所謂有志事竟成也辛巳授檢討益發憤爲文章務爲占文日館閣體爲大帽子故一時同官者羣指公律賦試

帖爲復古云甲申歲掌院薦公堪任府道引見記名公益惕勵丁亥歲其子鑑與公兄颺奉太孺人孺人來京就養戊子五月補國史館纂修官喜曰向恥素餐無補絲毫今得藉手矣時患便血猶力疾赴館至八月初六日屆順天鄉試上以公充同考官先是蜀中近十科未有與茲選者公聞命下喜欲力疾入闈而終以病委頓不能行又保舉御史亦以病困不能赴遂至不起臨卒賦詩二章以示兄與子從容放筆而卒嗚呼豈蒼蒼者生之而不能成之耶抑以一科名遂足償其坎坷之遭耶世之享庸庸福者不乏矣豈有意獨增

于彼而減于此耶是皆其不可知者也公為人耿介有節操凡赴人之難如救水火遇友有過不惜忠告人有負者亦不與較從未有凶終而隙末者以故疾病連年參苓之費皆出師友所助云所著有鶴林詩草十卷館課存稿十卷制藝二卷古文二卷俱屬余編次公生於雍正己酉年十一月十一日亥時卒於乾隆己丑年十一月初五日酉時享年四十一公祖丕祚涇陽廩生
贈封文林郎翰林院檢討祖妣李氏 贈封孺人父鳳徵 誥封文林郎翰林院檢討母王氏 誥封孺人
配胡氏諱政公長女例封孺人子四長鑑次季官 鈿

四元官季官下三子俱先公卒女一殤明年將扶襯歸葬於成都之祖墳余為之銘曰

論其闕閱洪洞涇陽論其事業商賈文章以云不達名登廟廊以云官顯身在匡床府道御史如夢一場史館房考如電一光嗚呼天耶人耶吾不得而知其詳

誥封文林郎翰林院檢討例贈奉直大夫掌福建道監察御史彥菴劉公墓誌銘

劉君諱溢號彥菴世居貴州遵義縣八甲紅江父志聖生君二人長濤庠生次即君也君太翁以遵義地窄人稠遷居重慶之大足縣遂家焉君甫生八歲太孺人卒

童山文集 卷十六
卽喜讀書試輒冠軍補博士弟子員科歲皆前等學使
宋雅伯器之使人錦江書院肄業已酉入選拔卽丁父
憂以授徒爲業長君天成六齡失恃苦讀書患咳嗽人
謂童子勞君憂之及長君應童子試皆例前茅君曰向
恐不壽今如此非凡物也君孝友昆仲同若五十餘年
內外無間言其處鄉黨宗族周急濟貧每有向公借貸
不能償者遂焚其券有鄉人酒後無禮於公旁觀皆爲
不平君從容謂衆曰彼已入醉鄉所言皆酒口也不必
與校次口其人愧悔請謝公仍婉慰之其量如此君美
豐容長髯飄飄若仙望之令人生敬性尤好潔衣履雖

敝猶無片塵每日晨起常親身洒掃長君諫之公曰古
人云掃地心常靜此豈下學功也持家勤儉常手書朱
子家訓於座右見諸子有不合理者卽舉家訓以規之
癸亥長君天成入泮癸酉旋入選拔是歲舉於鄉甲戌
成進士入館選先是邑中百餘無登甲第者實自長君
始甲申擢至臺垣君以書諭曰 朝廷不以汝不肖
以耳目寄汝家有歷代名臣奏議一書惜遠道難寄其
價不過數金汝當節俸以購之庶立言得大體不致以
瑣屑瀆 天聽君時任慶符廣文五載辛巳過 覃恩
以辭職就封請於上憲允之遂致仕還里自造一室規

模軒做日夕焚香讀書其中丙戌春闈長君奉命內
監試與大總裁等朝夕一堂詢及起居時方值君誕辰
長君爲述其狀望山尹相國手書眉壽松姿匾額一道
詩四首叔度裘大司寇鳧山陸大宗伯亦各贈詩章壽
聯方以賚回而忽焉遐視可哀也已君生於康熙壬申
年十月十三日子時卒於乾隆己丑年六月十五日卯
時原娶王孺人諱玉振君女續娶譚孺人庠生命臣君
長女繼娶廖孺人庠生諱顯榮公次女俱誥封子四
長天成癸酉科拔貢是科舉人甲戌進士改庶吉士授
職檢討旋擢掌福建道監察御史譚孺人出宜人譚氏

歲貢生候補選訓導諱致中君長女次天位庠生娶韓
氏諱易公四女次天恩庠生娶江氏次天賜娶楊氏俱
廖孺人出將以明年某月某日卜葬于祖墳之西爲之

銘曰

有開必先觀其德兮流芳何自始香國兮毓生麟邦
司直兮豺狼避道憇彈劾兮惟公義方負荷克兮吾鄉
之人永是則兮

誥授中憲大夫永定河道韞山陳公墓誌銘

永定河卽桑乾河古濕水也以其永濁故曰渾河以其
色黑故曰盧溝河又遷徙不常故曰無定河源出太原

天池伏流至朔州馬邑從雷山發爲渾泉合雲中諸水經太行山東下會盧溝河入宛平縣界流注固安縣至燕丹口分而爲二其一至通州入白河其一經小直沽入運河俱入海河自南山以來水勢湍激亦資灌溉固未嘗肆自出石景山東地平土疏至固安而下則大肆奔駛分合靡常屢爲民患自金元明以來時修時決至我朝順治八年辛卯河遂遷徙固安迤西幾七十里嗣是歲有衝決康熙三十七年命撫臣于成龍築堤疏濬自盧溝挖新河由固安北十里至永清朱家庄延袤二百餘里廣十五丈始賜名永定並設南北岸分司

各一員後復命北岸兼理雍正四年始墜爲永定河道總理渾河駐固安縣以專責成河員十八名雖隸于直督而權獨歸道得人自安不得人則危任至重也歷任河道亦皆治績卓著而求其不負任使首膺寵眷者爲吾蜀陳公一人公諱琮字華國號韞山高祖起祥始卜居南部遭獻賊之亂以父迎賓病不能行負匿山洞得免于難遂失譜序起祥生惠疇惠疇生策三俱邑庠生策三生子四長璜三璧四璿璧璿俱早卒次卽公也公生而右手駢指爲人沉毅慷慨多智畧好讀書尤熟習諸史其爲文淵深雄偉甫弱冠卽遊泮中丙子副車先

予肄業錦江書院交最深余後與已卯鄉薦入都公亦
赴國子監肄業余適官崇志堂學錄相與劇切磋磨以
圖科舉公忽謂余曰吾父母春秋高急須祿仕大丈夫
要當赤手博功名安能從文字間討生活乎遂就職州
判乾隆二十八年適直隸河工請員赴部應挑發永定
河委用補永清縣丞遇事敢爲於河工尤留心胼手胝
足不辭勞瘁每有建白輒中肯綮同官皆異之三十四
年墾固安縣知縣茂著循聲蒞任三載兩遭河決民田
被災俱親身履勘代請賑濟凡支放錢米必令蒞屋均
沾實惠奸胥蠹役失其侵漁上憲以爲能三十七年墾

南岸同知承修

玉皇廟

欽工次年

皇上巡幸

天津便道 閱視永定河堤時戶部尙書新建襄公曰
修久任總河深器之謂公曰君當以河員顯吾有替人
矣後金門間接 駕表公密表公能奏對稱 旨卽于
天津 行在名見諭令總理永定河工程蓋異數也四
十年丁祖憂卽奔喪回籍 上諭總督周元理曰河工
不比軍功此人斷不可少准回家治喪百日卽赴直聽
用公九月抵里葬事畢卽于四十一年春來直次年服
闋仍補南岸同知時承修戒壇寺 欽工方竣次年十
二月復丁祖母喪而元配何恭人復卒四十六年服闋

仍赴直候補恭逢 皇上巡幸熱河委查密雲一帶
道路因得隨班恭迎 聖駕 上諭軍機大臣曰承
定河同知陳琮熟習河工今安在令查取職名蓋昔年
新建公業經密薦已蒙 天子記名屏風而公不知也
大吏聞之即于四十七年委署東安縣事十二月即題
補務關同知務關通水道屬也先是公爲固安令余方
赴京候補主事負債二百不能償赴固求伏適一瞽者
趙鐵嘴能布算知星公密令互換八字以示之趙以手
撥算盤而笑曰此二命一京官六品一外官七品然外
官終爲京官屬員人俱不信公笑曰若是則愈可借也

遂若數交余而去至是予由廣東學政復 命授通永
道謁予道署相見歡甚謂公曰趙鐵嘴之言驗矣四十
九年春 聖駕南巡於新城 召見問河工事宜俱
稱 旨是日 賜宴賞貢緞二疋荷包一對貂皮一對
回鑾復于趙北口 召見問堤工水勢奏對如前五
十年 上自熱河 回鑾於亭子 召見詳問河工公
面請加培堤奉 旨估辦五十一年 巡幸五臺於半
壁店 召見 回鑾時又於新城 召見問河工平安
否公奏對俱如 聖裁是年秋 上自熱河 回鑾復
于南石槽 召見問水勢大小工程等項及新修堤工

有益與否公一一奏對稱 旨天顏大悅五十三年二月
月 巡幸天津於趙北口 召見問凌汎水勢奏如前
於左各庄 賜宴又于王家廠 召見面奏永定河下
口情形並 呈永定河全圖蒙 恩賞黃緞一疋袍料
二件貂皮一對 聖駕至桐栢村由軍機處傳 旨
取永定河簡明圖五月上赴熱河於密雲 召見問下
口情形及永定河平安公爲陳奏如 聖意公在永定
旣久以永定河源流分合險夷遷徙卽在河年久者亦
難深晰若驟易生手必茫然失錯乃沿岸履勘準今酌
古多方採集彙爲永定河志俾後之觀斯土者瞭如指

掌殫心考究三年乃成總督劉公峩見之嘆曰渾河工
程莫備于是矣五十四年三月初十日 聖駕駐蹕
湯山奏陳所輯永定河志已告成 上曰他去年所進
圖就好着軍機大臣閱看卽日 召見獎慰十八日軍
機處奏覆陳琮所輯永定河志分門別類體例尙屬整
齊恭錄歷年 皇上親臨指示 諭旨亦皆詳備奉
旨着交懋勤殿藏貯方謀刊志得疾旋歸至五月初
八日卒其卒時猶諄諄以 君恩未報爲言大吏以聞
上嗟悼久之連稱可惜可惜論軍機大臣曰陳琮自
任永定河以來今經五年渾河安瀾無恙皆琮之力不

料其遽溘逝也先是蜀人在外任無爲大僚者惟予與公俱少同憲仕同省又俱爲觀察邀 聖恩寵眷乃予任通永不克稱職深負 聖恩所屬望補報者惟公一人而前任永定河道蘭第錫望山東總河以公代之人皆謂公受 上知有過于蘭指日總河可冀孰知竟止于此豈非蜀之不幸乎初太翁生公時夢一老翁自言固安人寤而生公公由縣丞至道皆固安斯亦奇矣人疑前身應此地土神云公善相度形勢永定道署舊在固安城中緣地勢低窪前憲奏改城外公適爲固安令相度修建輪奐一新及累陞是職後見四面軒敞初無

闕局乃鳩工集事于東西二面挑成水渠中設十橋以通往來外爲築堤垠署後地逼民產有願鬻者卽爲觀之於四圍廣植楊柳春夏之交賜茂蔭翳堤旣堅固景亦宜人迄今稱善公素疎財好義固安近京百里凡在都門京官以及守銓空乏來告者無不傾囊以贈母稍吝色於親戚尤加厚焉更喜急人之難予被議發伊犁當差公以百金走後余贖還有部核河工銀二千兩槩然代余完納余有所刻函海叢書共二百六十種以負梓人三百刻資扣板不發亦公代爲贖回及公卒之日所借貸者無論有券無券皆携金至靈前還其子官林

慟哭而去其樂善感人如此而尤與予莫逆乾隆辛巳
余由通歸里道出固安公方受上眷赫奕甚乃不鄙棄
欣然出子女各一指示予曰君亦當出子女各一互為
朱陳余笑而從之及公卒後予家居十餘年公子官林
余子朝龍皆畢婚嫁惜公不得見云公生于雍正九年
七月初四日巳時卒于乾隆五十四年五月初八日申
時享年五十有九 誥授中憲大夫直隸永定河道
配何氏 誥封恭人邑庠生世文公次女先卒祖惠
疇祖妣何氏父策三母趙氏俱以公貴贈如其官子六
長中林先卒娶杜氏鹽亭太學生英公長女守節不嫁

次三四五俱早卒六官林劉孺人出即吾第六女壻也
女二長字原任隣水縣教諭元煒猶公長子二字吾次
子朝龍有詩文集二卷藏於家銘曰

舜咨四岳禹作司空熙帝之載惟克奮庸太行以南桑
乾以東誰其繼哉韞山之功賈讓留疏平當盡職誰其
邁哉韞山之德閩山峩峩閩水湯湯佳城永固世澤綿
長

誥封朝議大夫貴州南籠府知府唐公堯春墓誌
銘

余乙巳回里闕三年在什邡道中見有擁翼車丹旒而

過者問之乃南籠太守之柩慟曰此吾友堯春也遂至此乎是夜爲位旅次作輓詩二章哭之有車過腹應痛灰然身已頽之句旣而欲臨其棺知其窆期尙有待也今年八月余至省觀姪輩入闈長君張友以書來曰先君柩不入土今已五年頃始卜地於武都山擇於九月十八日安厝竊念先君至友惟父執一人而先君事迹又惟父執知之甚悉歐陽公云先世碑銘必得蓄道德而能文章者爲之始克傳世而行遠父執金石鴻文海內奉爲至寶倘不仰邀鉅筆盍克壽世况吾先子之素志也伏乞賜撰墓誌以光泉壤死且不朽余聞之愴然

曰堯春與余少同試於有司又嘗從先北路公遊且君長女曾與殤兒結婚蓋親莫親於吾二人也余雖不敏又安敢辭公諱樂字字堯春號九峰先世居楚麻城五世祖伯顧始遷蜀之遂寧中順治甲午舉人累官至陝西洮岷道祖載思公中康熙壬午舉人累官戶部廣東清吏司員外郎先官綿竹訓導遂家焉父汪波公由貢生官安徽桐城縣知縣生子九人九卽公也公生有夙慧穎異過人讀書過目成誦下筆千言立就少長盡通四書經史旁叅諸子百家下至天文地理之學無不窮究壬午蜀闈典試正考爲懷寧丁芷谿先生得卷卽定

元矣後得他卷復易爲第六揭曉深以爲憾丙戌三甲
成進士授主事是科吾蜀井研雷雷峰銅梁王鎮之皆
二甲雷已館選王授部曹而公以一甲得主事奇遇也
籤授戶部公素明九章算法凡錢糧權稅步指便知摺
奏檔案過眼卽能檢出胥吏不得爲姦以是各司農皆
倚爲左右手金川之役辦理軍需奏銷事纖毫不爽今
大學士和相國尤器之堅員外郎保舉提督錢法堂監
督並保堅員外論俸推堅禮部郎中和公仍奏回本部
山西司郎中兼充內庭方畧館纂修兼戶部則例館纂
修其見重如此由郎中推滿選授貴州平越府知府其

地亢旱幾半年公到任跣足至壇祈禱得雨人稱神君
又見山水秀美謂此中必多佳士及觀風而能文者寥
寥究其故則僻處邊隅久無師承而肄業亦無專所公
乃捐俸修墨香書院延浙江名孝廉葉夢麟爲掌教厚
其修脯設膏火擇其尤者十餘人親爲授受丙午科書
院中式者遂有蘇廷和甘思贊等數人蓋平越不開科
者已三十餘年矣上臺聞公賢能復調任南籠府南籠
幅幘遼濶苗民雜處刁健善訟積案如山有康熙初年
拖延未結者公蒞任月餘日則坐大堂決事夜則燃燭
閱案輒漏下四刻乃止案牘爲之一清以至積勞成疾

得嘔血症調養稍愈旋因公被議鑄級解任入京捐復
蒙 恩仍以知府用隨丁母程太恭人艱時家口俱寄
寓湖南以中丞浦蒼霖舊農部同事也故依之復力疾
至長沙扶輿歸里至夔州舊症復發卒于雲陽舟次享
年五十有三公爲人短視有目可瞻焉之謂然胸羅萬
卷兼精六壬五星並著有奇門紀要常于琉璃廠市得
西洋渾天銅儀購歸排列敷衍遂通勾股之法守南籠
時見太白行度非常私謂總鎮某曰君宜秣馬勵兵不
久當有警報矣是年果有臺灣之役群謂斯言有驗公
曰木也當在蜀徼外不三年西藏復告變其神驗如此

居官多異政當爲錢法堂監督時鑄工萬餘忽以私憤
致變公卽促駕撫之羣戒勿在公曰若輩無知豈可聽
其釀巨禍耶毅然入其羣曉以大義皆流涕服罪而去
又鑑神有崇每夜輒燭爐頭公問其狀則神前土偶是
役也以釘釘其足血出而崇息爲人瀟酒絕俗性嗜酒
非酒不食不問家人生產好購書官監督時所入俸以
萬計盡以易書疊架盈櫥雖朝炊不繼宴如也善譚諧
赴平越時空乏不能具行李保定守爲同年王汝璧素
相善以缺費拜謁王知其意辭以病公直下輿坐大堂
暖閣候久之竟不得見乃醮案上硃題詩於壁曰右諭

童山文集卷十六
通知貼大堂主人從不。會同鄉門前若遇拙豐客。祇說
官。今病在床。投筆竟去其善。謔如此少。以詩名有桔柑
渡句云。白沙十里月黃葉。半江湖人呼爲唐黃葉。沒後
詩多散軼。張雲谷其四子岳翁也。爲之哀集。復得三十
餘篇。有送雲谷還固始一首。已載余雨村詩話中。其他
作多類。是當屬其長君。刻以傳世。噫。公之與余。無日不
詩。同吟酒。同斟。而余科第官階。每占公先。一着然。生平
事。無不歷歷可數。及爲誌。而年老善忘。記憶。僅此亦可
慨矣。然人生在世。可傳者。原不在多也。君嘗謂余曰。我
年少於君。必沒在君後。善事我。當爲君作佳誌。雖一

戲言嗟乎庸詎知六十餘歲人反爲五十餘歲人作誌
哉公生於乾隆己未四月初八日寅時卒於乾隆辛亥
三月十一日未時娶梅氏先公卒繼娶戴氏中江己卯
孝廉霸州知州諱治女生一子張扶再娶朱氏生子六
張友庠生張瑤張思張祿張岩張超俱業儒女四孫二
僊桂蔭桂以乙卯年葬於武都山之陽爲之銘曰
紫巖巍巍有異人兮佩玉鳴珂侍楓宸兮談天雕龍罔
不聞兮政在黔江跡未陳兮猿啼三峽駕風雲兮未竟
厥志貽後昆兮鬱鬱松岡安神魂兮

非余其孰能銘瑞菴諱人麟字玉書其先江南無錫人也九世祖清明萬歷間爲綿州指揮封武畧將軍子孫遂家焉清牛憲圖憲圖生繼武繼武生永靖俱襲前職永靖生天章庠生成章醫官值獻賊亂匿山洞僅以身免天章生坤庠生是爲瑞菴之祖以孫貴 賜贈奉直大夫祖妣王氏 贈宜人坤生子二漣涵漣庠生官至雲南雲龍州吏目陞祿豐縣丞兼縣事涵由庠生入太學卽瑞菴父也以子貴 封修職郎妣嚴氏 封宜人瑞菴生而慷慨有智畧不屑屑生產讀書畧通大意善作文工楷書兼草篆然志不在科舉少與余同窓每對

黃卷青燈輒嘆曰大丈夫要當于盤根錯節中見利器耳吾非蠹書蟲安能生死文字間哉後于丙子己卯兩科不售遂決意進取援例授劍州訓導時金川用兵奉檄辦武連站支應滿漢官兵軍火餉鞘供應兩載絲毫無缺大吏以爲能遂令代辦劍州事時乾隆三十六年也三十八年十月十六日總督文公綬奏調赴南路明將軍大營辦寫奏摺登記冊檔君卽馳驛出口至僧格宗大營三十九年隨明將軍進攻馬柰當是時長蛇未殫列陣相持虎帳龍韜雷轟電掣羽書奔馳席不暇煖而君才本敏捷膽力過人日草萬言倚馬可待雖兩兵

交接之際幾中鎗傷而君了無懼色遂佐成功將軍深器之不離左右復因後路軍糧急迫檄往瀘城章谷噶達城等站催趲夫糧俱咄嗟而辦益以爲能方將大用而父訃適聞君大慟卽報明奔喪總督文公謂將軍曰此人軍營斷不可少何可令其去乎卽奏明仍留軍營守制四十年四月調陞冕寧縣教諭未之任卽委赴南路軍營清查站卡時值進攻科曲步山梁總督富公以君明白幹練奏明留軍營辦站隨由墨魯古改委勒烏圍隨浙藩郝公碩臬司白公瀛赴噶拉衣前抵八卦礮支應各山梁營卡軍糧軍火三月初八又委隨白公催

運後路各站存貯勒烏圍噶拉衣軍糧隨閱丈促浸僨拉地畝大兵凱旋始隨白公回省蓋自三十六年軍興以來至四十一年始終軍營六載有餘辦理檔案各務未嘗遺誤者君一人而已金川旣平又委辦軍需局表
以父未葬請假治喪事甫畢卽催赴局十月初六總督以君久歷塞外奮勇出力卽專奏請以知縣卽用奉 旨俞允並錄平定金川案軍功一等加一級隨帶又辦理兵差案復議軍功加一級隨帶四十三年二月山東請員奉 上諭發往歷署惠民定陶平原等縣遇事敢爲每有建白輒爲大吏器重是年承辦德州

童山文集 卷十七
皇差于上駟院更換馬疋不誤補授蓬萊縣知縣四十八年調繁泰安縣次年恭逢 皇上南巡辦理泰山岳廟 欽工並白鶴泉及魏家菴兩行宮俱不悞次年二月初六于新庄道旁迎 駕 上命軍機處記名並恩賞貢緞二疋荷包一對並加一級五十年山東巡撫以君奏最第一卓異候望當是時皆以君久膺 上眷大用可操券矣乃旋以承審東平案婦袁劉氏驀京赴控伊兄圖產逼嫁一案部議以承審遲延鐫二級調用眾論惜之其罷職也兩袖清風而官項纍纍得歷城義士孟文獻資助萬金乃得解去先是母嚴宜人年老多

疾亟思歸養後以 君恩未報冀捐復以圖晚效于五十二年領咨入都而母訃忽至五十四年八月自京匍匐歸里棺猶在室一慟幾絕方謀葬親之事忽于五十六年正月初四日無病而終惜哉未卒之前一年臘月初五爲予生辰曾有書寄予曰自泰安一別飢渴至今本欲過君劇談濶跡然林下之日甚長不在亟晤再二年爲君六十壽當登堂酌以大斗也蓋余罷官曾至山左相訪故云爾孰知泰安一別遂爲永訣哉君性至孝官蓬萊時迎母侍養暇則奉板輿登蓬萊觀海市及宰泰安又奉母登泰山遍覽名勝以娛母心 南巡時又

引母迎 駕以覲 天顏皆人所難得尤友愛諸弟次
弟人鶴緣事繫獄遣人入都爲辦贖罪得減等不死雖
獄中負債邱山一身肩之尤爲人所難云君生于雍正
十年壬子五月二十七日酉時卒于乾隆五十六年辛
亥正月初四日酉時享壽六十官至泰安縣知縣勅授
文林郎晉授奉直大夫元配江氏例贈宜人安徽人原
任雲南抱母井鹽課司吏目先卒繼娶劉孺人例封宜
人男五長耀茹廩貢生候選訓導娶李氏卽余長女也
二豁茹捐從九品職銜娶馬氏原任甘肅鎮番縣知縣
諱志修公么女三晉茹增生娶張氏昭化廩貢生候選

儒學諱憲齡公長女四申茹過繼弟人鶴爲後五子如
娶吳氏女一字雙流武進士任江西袁州衛守備諱德
勝三胞弟先卒孫二長裕宗豁茹出二光宗耀茹出均
未聘孫女七三五耀茹出四六豁茹出長二早卒於某
年某月葬於祖塋之陽銘曰

謂無命耶胡爲乎不由乎科而能自展其才謂有命耶
胡爲乎既遇其時而又不終其用鋒刃之下而文字任
其馳驅平康之間而顛躓轉失其縱送此豈冥冥者莫
之爲而爲乎抑亦紛紛者皆爲造物之所弄嗟嗟君其
含笑而遊九原乎功在竹帛名垂天壤矣以視夫碌碌

庸庸而享彭鏗之壽陶朱之富者其父孰輕而孰重

朱雲飛墓誌銘

朱公諱鵬字雲飛原籍陝西同州府大荔縣楊村人乾隆元年移居綿竹之西關遂爲四川人生于康熙丁酉年九月二十八日亥時卒于乾隆乙卯年十一月廿一日亥時享年八十今於嘉慶元年丙辰十一月廿六申時卜葬於己所分西義鄉猴子林其子永祿恐歷久而忘其始末因屬余爲誌夫墓之有誌所以揚名顯親也先人無其實而誌之是誣之也有其實而不誌是蔽之也誣之尙不可况蔽之乎公爲人豐順修髯舉止端方

居心寬厚待人誠信少年家計艱窘乃由秦入蜀爲什一之計備歷辛苦數十年來乃克成業教子以詩書傳家以孝弟皆公之訓也公善釀有杜康之風以此起家至今稱善釀莫不以西關朱家爲第一余固不文然忝在姻誼又其孫綬從余學故知之甚悉爲述其畧庶無誣蔑之憾焉公娶張氏生子二長永祿次永壽孫五綬繡紘永祿出綱紀永壽出銘曰

巍巍岡陵鬱鬱松栢萬古藏形百世流澤

處士郭世藩墓誌銘

公名繼先字世藩年六十有七卒于庚寅之歲安厝於

後山之陽所生四男五女季男歲進士幹生大有掇武
科大升入黌序幹出余先大夫門下丙午余遊太白
之青蓮鄉曾登其堂見嘉樹森列鬱鬱有佳氣隨謁先
塋左抱匡山右浥涪水鼓篠杉藤皆雲蒸霞蔚益信其
發脈所自來爲之留詩而去今年春正晦日郭子踵門
而告余曰先君之塋子所知也舊有石爲風雨所剝蝕
字跡模糊乞爲銘以重鐫可乎予惟明德之後必有達
人積善之家必有餘慶所謂善言天者驗於人也顧天
之理微而難知而見于人則顯而易察今郭公之後而
熾而昌若此豈非天之報施善人不爽乎因爲之銘曰

龍蟠者山耶虎卧者石耶森森者蘭耶桂耶鬱鬱者松
耶柏耶嗚呼盛哉此天所以報公之德耶

張孺人程氏墓誌銘

孺人程氏廣漢明經佩之女張冠玉公之子庠生凌霄
妻也生于康熙五十年辛卯三月初七日酉時卒于乾
隆四十六年辛丑六月二十八日酉時自二十一歲守
節以至卒享壽七十有一旣建坊以旌例得埋石爲誌
初凌霄公之歿也誓以身殉明經責以撫孤大義始起
視事所生二男一女一仁壽一邦仲皆幼姑早亡其舅
已老一室蕭然惻獨無依孺人哭其夫三年不御酒肉

未嘗一日去舅側而伯舅姑沒所遺三男邦璧邦璨邦瑄皆撫如已子令與仁壽同寢處迄長成始析令成家邦璧等亦終身事之如生母焉甲子春舅冠玉公歿盡哀盡誠讀禮畢始專以教子爲事日則送塾從師夜則篝燈自課稍怠則鞭笞隨之一日邦仲偶倦孺人手提其耳責曰汝父彌留時目汝兄弟囑曰我生平未竟之志將于二子是竟汝善教之務成我志毋使我目不瞑也吾刻不能忘今昏惰若此吾無以見汝父于地下矣且責且泣邦仲等自是發憤不敢坐荒每聞聲息如同嚴父卒成令名癸酉甲戌二子相繼登上庠同赴成都

石室肄業見聞益廣己卯邦仲登賢書兩赴禮闈不第丙戌會春闈大挑邦仲意欲得一官以養母遂選一等分發河南以知縣用明年攝輝縣篆又明年借補光州判題授襄城令迎孺人至署每見鞠獄必細詢之使得其平嘗曰吾婦人不知法律但臨事時只要心上過得去便可不愧不忤聞者皆奉其言爲居官之法以故邦仲屢膺卓異調繁爲循良第一焉乾隆三十八年仁壽亦援例授布政司經歷揀發廣西順道省母于蓼孺人見之喜卽促之行曰二子皆得官吾可見汝父矣及抵粵署柳州辦鄉試場務以勞瘁沒于桂林孺人聞之大

童山文集卷十一
勤日夜思歸乃與樞同歸蜀不半年復思次子在固始
而子亦思母仍迎來署庚子署蘭陽時孺人獲中風疾
卽呈請終養俟疾稍痊卽行而孺人遽卒卽卒之明年
扶櫬歸里卜葬于某之高原將爲誌以藏諸壙求銘于
予予雖未得謁見孺人而綿與漢居相近其節孝嘗得
之宗族無間之言聞孺人幼通內則不妄言笑經營家
事動中禮則鄉黨有疑難就咨一經處決無不得當人
皆稱爲女宗居家以儉爲本一生未嘗着純綺其二子
居官有廉聲皆出母訓嗚呼可謂賢也已旣葬之後鄉
人呈請奉主入節孝祠廣漢刺史徐公德元循良吏也

親服朝服鼓吹以送人皆以爲榮銘曰

吁嗟孺人兮女史之標專屋而發居兮菽水簞飄泣呱
呱以盈前兮收衆稚之垂髫閔凱風之劬勞兮磨玉言
之寵褒從夫子于故邱兮惟德音之孔昭

禮汀禪師生壙塔銘

生壙之說始于唐姚勗之徒自名壽藏釋氏則無有也
今年夏五月禮公高徒悟迷踵門而告曰今年七月初
三爲大和尚誕辰衆徒等欲修壙以誌始末請爲塔銘
以垂永久余懼弗克任力辭旣而悟迷再三至請益力
乃就所見所聞于其法嗣者畧記于左公諱達徹號禮

汀江南丹徒潘氏子自少多病父母寄投小九華山海
師丈下爲弟子每歲隨父母朝十廟香見叢林巨剝山
水清幽輒留連不肯去蓋其俗根已不凡矣旣乃以此
情呈父母父母不許由是復馳逐于商賈場中風塵僕
僕者數年丁亥歲父母相繼而逝已丑沂舟入蜀謁峩
肩轉嘉陽登凌雲逾東山憑臨邱壑遠眺岷源出此頓
忘身世辛卯夏遂就東山禮淨碧師雉髮接理凌雲丁
酉乃詣新都寶光月容和尚受戒律常自歎云在俗不
明乃投佛道佛道不明兩生煩惱惟此決定要討分曉
然當其時堂職事應酬不能專一乃儼裝回凌雲獨棲

靜室如是三載足不履闔至壬寅秋頓覺心胸開拓却
于古人公案叅不透澈自思非影不清由鏡不明復念
云假使熱鐵頂上旋終不得此菩提心明知悉是幻鏡
却做主宰不得大抵是擺脫不開若究明此事必須懸
崖撒手大死一回方可遂於佛前洗心懺悔痛哭嗟陶
將衣物散衆筆墨盡焚乃率徒孫至集鳳峯坪示衆余
坐脫之後便埋于此是晚入坐抖擻精神發起勇猛焚
香一支立定誓願放身捨命拚死恍如死去當此之時
一切心識都沒有了只者知沒有的亦沒有了不過寸
餘香忽窻外瓦落一響復蘇漸覺燈光燦燦一切房屋

章山文集 卷一
物件猶如新生一般自覺是個好消息靜坐片時通身
輕快卽和身權睡黎明徐步出外閱歷山河種種清幽
而自身病魔亦消於是檢閱素疑公案如推門入白無
用思擬譬如得本便知其末遂援筆說偈十餘首以示
大眾時屆中元速裝香省謁師於什邡羅漢寺師云因
何事來此余云違師數年尙有未了事來問師云何不
有事令無事無事令有事余云者回不是者個事然却
不敢格外生事其師凝睇久之忽欣然笑曰看徒氣靜
神怡怪道人言在凌雲認真參究今日一見信不虛也
我年邁矣留爾在此越三日任明府降寺對寶光善

度和尙遂印可禮汀爲法嗣由此經理常住于乙巳秋
開堂主席十有三年矣今年欲爲暫退衆請再留因其
年老共爲修塔以垂將來乞余爲序夫禮汀之與余交
也歷有年矣其自凌雲而主是席也當是時寺雖有羅
漢之名而無其實禮汀念馬祖道場荒蕪日久乃竭力
募化建東西兩廊共十二間先刊明吳興學博必山君
士所著宋乾明院羅漢圖延成都塑工曹志偉肖五百
阿羅漢像于兩廊又得邑令會稽甯湘維明府一力襄
贊于甲寅冬藏事復鑿羅漢池淘馬祖井添立亭臺補
栽松竹于是遂爲什邡名刹而禮公之志亦遂矣竊常

章山文集卷一
以儒家而論自周秦西漢以上無言佛者至北魏世祖
詔及唐傳奕宗宋祁始以爲釋氏本於老莊然自白馬
馱經以來貝葉流傳於今具在皆本橫行梵字譯爲震
旦之文非剽竊老莊以成篇也顧常詳讀內典參求宗
旨與老氏則秦越與莊列實伯仲莊子曰莫大於秋毫
之末而太山爲小莫壽于殤子而彭祖爲夭此卽芥子
須彌閻浮棗葉之義也列子曰視生如死視富如貧視
人如豕視吾如人此卽吾手何如佛手吾脚何如驢脚
之義也伏聞佛家有觀白骨法謂淨坐澄慮存想自身
血肉腐壞惟存白骨與吾相離自一尺以至尋丈要見

形神元不相屬則自然超脫矣此卽舍命拚死之義也
知此則無爲首生爲脊死爲尻充之以至鷄彈輪馬鼠
肝蟲臂積漸假借化此身爲異物則形與神離超然無
所往而不可矣禮公之言亦卽佛家觀白骨之法也顧
此理向無人道而禮公獨于此叅透宗旨豈非馬祖之
後又出一馬祖乎至于工吟咏善書畫鈔凌雲之詩刊
茶羹之譚則又其餘事也諸徒將以今年某月某日爲
之築生塔蓋卽生壙之義也乃爲之銘曰惟我禮公江
南名族少愛山林長戀名利乃泝岷峨矢志薙髮九頂
拚身什邡住足何以得道寔由慧業何以精進實由踐

實五誠為教八識刊落視彼恩愛革囊盛血視諸苦海
雪山吹藥五百羅漢第一功德飄然舍去歸入淨域淨
未何復歸寂寞人生此身四大和合髮毛爪齒皮肉
筋骨皆歸于地六根所作唾涕膿血津液涎沫皆歸于
水四緣假合即知此身畢竟無着安時處順非幻非滅
知此理者當與莫逆惟我禮公全始全末

童山文集卷十八

綿州李調元甫村

行述

詔封奉政大夫同知順天府北路事石亭府君行
述

嗚呼府君其竟逝耶其竟棄不孝等而長逝耶憶府君
於臘之二十四日因委佑盤山廟工過京謂不孝謂元
曰吾近來因署密雲大差又兼諸事叢雜心力俱竭夜
卧不安汝其檢點藥書中治怔忡驚悸者開一二方並
買同仁堂天王補心丹八兩隨帶不孝謂元敬遵令抄



錄購辦府君方欲動身不孝調元仰謂府君曰既如此心虛何不告病調理府君曰這回上省必請暫解調攝既而盥面畢攬鏡自詆曰顏何太赤耶不孝調元旁言此皆心火之故雖不宜參然先服清心藥後宜參認補不孝調元以府君行裝已駕卽步行至市換參歸則府君已騎馬先行留長隨一人在後取參嗚呼孰知此卽永訣之時耶府君自服官以來從未得一日閒暇亦從未得享一日鮮衣美食頓遭慘變惟此大凶一回思之痛入五內恨不先驅螻蟻於地下復何敢偷生人世俯仰哀號顧念府君平生偉行軼事實能追步前賢而服

官政績可入循良傳者甚夥粗記梗概祇恐遺漏不敢失誣伏望 仁人大君子俯賜採擇焉府君姓李氏諱

化楠

通家生王
文治填諱

字廷節號石亭世居四川羅江縣之南

村壩李家灣先王父英華公生府君三人次諱化棟國學生又次諱化樟庠生長卽府君也先是先王父娶先王母趙氏七年無子康熙五十二年癸巳往成都石經寺求子歸先王母卽有娠閏六月十四日先王父卧前廳夢一道人送一穿靴頂帽相公來甫入門卽報府君生生卽穎異喜讀書尤好經義家貧兼耕嘗攜一經就隴畔讀之故未弱冠卽補博士弟子員時邑侯爲上元

王卬齋先生命見而器重之延入衙齋以己子現任四
川樂山令諱鉞者使就教而已授府君以文藝自是所
學日益進科歲考無不超等所作制義才脫稿已傳頌
人口二十九歲入選拔中辛酉舉人聯捷壬戌進士人
皆以府君爲破天荒蓋羅江前此無登黃榜者旋考入
咸安宮教習不就而歸遠近從學者常百人執經問
難殆無虛日辛未將北上謁選不孝調元送于綿之江
干府君謂不孝曰從來統緒習氣大半皆望指納不肯
讀書汝如不秀才不必來任所吾斷不汝捐也謹拜受
命以足悉心舉子業未幾卽入泮是年六月府君檢發

浙江委用遇壬申

萬壽恩科爲同考官得李君祖

惠顧君朝宗陸君燦俞君經施君禮耕賀君宗賢馮君
萬年七人而李君祖惠以老名士馳聲於大江南北幾
五十年得冠榜首出門下人皆服府君知人主考李鶴
峰先生贈府君詩有句云吾宗有墨綬氓峨發精英乍
如得荆璞價重十二城遺我共欣賞古色果崢嶸蓋深
爲得人慶也次年卽補餘姚姚巖邑也濱海自上林至
蘭風七鄉通錢塘江橫亘八九十里有大塘新塘周塘
潮塘之別歲久不治雍正初年獨大塘存而坍塌過半
葉令瑄文乃勸民築堤名榆柳塘十二年張令永熹又

於塘外勸築利濟土塘以此層次保衛顧旋築旋塌海潮仍爲民患乾隆十二年潮忽大至淹沒民田四五萬畝前任王令請帑一萬七千五百餘兩各灶修築謂之以工代賑未幾王謝病去十五年府君到任時值防秋七月十六至十八日颶風挾雨大至吹瓦拔木三晝夜不止府君戰慄乃跪庭中祝曰海地窮民甫離災難若天不降康堤潰水溢民其爲魚水旱頻仍罪在長吏願身受罰爲此方民暫延殘喘祝畢隨分役查看水勢天微明廟山巡檢俞漣馳報水幾潰隄賴東南風大作而潮竟不至人皆以爲府君至誠所感云姚邑

里民頑爲盜賊出沒之藪府君到姚點視案牘賊未及獲而首犯在逃者百餘案乃銳意除盜立比期懸賞格一時小賊多擒而巨猾依然脫網因思緝權不可專委捕快因密錄難獲猾賊四五人名於票夜喚皂隸李兆民壯婁恩至署出票袖中而諭之曰賊某等現藏某所爾若依限獲受上賞否則革役二役唯唯退不三日積賊景三擒至內外無知者又十餘日而逸賊張子顯張文紹陸通儒鄒士元繆允年孫善平等先後就擒密出屢次行竊及賄囑勢豪州同楊某串捕庇縱各實情通詳分別軍流抵罪而重賞兆恩二役合邑驚以爲神

乃將小賊別立一局名曰枉生所關賊局中自捐俸鈔給以口糧使城中坊舖有執業人如梓匠餅師之類使爲賊師並假官錢以爲資本使賊學其技藝漸能熟習使其師具呈保出以是人多感悔爲良民終其身不復作賊上憲大加稱賞並飭諸縣頒行此式時值荒災府君記算戶口大小先使人密訪實數以故奸吏侵蝕立能指摘制府按臨查災府君隨制府乘輿凡某都某圖皆能口說手畫如指上羅紋一絲不紊人俱服其敏諳設立姚江書院延李君祖惠爲院長使諸生肄業其中刻有姚江課士錄凡先君所刻文姚人俱編爲一集名

爲石亭公治姚紀畧互相歌誦丙子八月充房考又得士七人王君學濂汪君治錢君大鯨王君世維黃君璋陳君墉施君純熙也不孝調元是科應本省鄉試下第來浙九月調繁秀水二十二年恭遇 皇上南巡秀水爲全浙門戶上憲以府君精幹使辦頭站 大營盤府君日夜運籌竭盡心力不孝調元等一處安卧而不見面者凡三閱月於城北窪地填起園亭一望花園錦簇供備直壓兩江 大差事竣卽調署平湖縣前縣令翟翺七年高卧一應詞案積至三千有奇凡已出票者俱不審理一任胥役詐騙民不勝拖累之苦府君到任

黎明坐堂三鼓方罷每日分三刻立定自課章程早審若干件午審若干件晚審若干件先期掛牌坐大堂三餐皆小碗碟送堂上大器以門聽民觀聽每審一案聆閣邊擁擠千人莫不拍手呼快或衆中有心未服而不敢言府君必招出委婉商確更定且以信服民掛牌從不改期以是積案爲之一清先是乍浦多賊鷄犬無寧府君復捐俸修大厦數十間名曰自新所關賊其中教學手藝一如餘姚之法居民安堵幾於夜不閉戶故當日有七年如雲烟兩月見青天之謠奏部駁仍回秀水去之日焚香送者數萬哭聲震野如失父母不僅脫靴

立碑衣傘之踵至也旋蒙兩浙中丞現任直隸總督楊制軍^廷以府君爲天下循良第一保舉堪任知府其入奏有承辦一切差務俱盡心竭力不辭勞瘁洵屬通省中有爲有守之員等語未經引見丁先王父憂府君哀毀骨立水漿不入口者旬餘然新任未到坐草薦決事筆不停披抱傷慘而應繁劇幾成癆瘵戊寅春回里營措喪事巨細經心盡一年葬先王父於祖墳之雲龍山是科己卯不孝調元赴本省鄉試府君送入成都頭場畢以草稿呈府君府君喜見鬚眉謂親友曰吾子魁矣榜發不孝調元果中第五名十二月不孝調元北上

府君送至皂角舖示以長句有昔我登龍二十九慚愧
鑿坡非我有汝今年小志方強健翩摩空未可當之句
蓋自傷壬戌館選不預而以勗不孝也庚辰不孝下第
府君服闋來京同寓邸店七月府君補行引見保舉
堪勝知府奉旨發往直隸以同知用時携不孝調元
移寓於大馬神廟之戶部郎中梧岡先生查驥宅歸謂
不孝曰官爲大夫正當圖報以是月携不孝至保定八
月委署滄州州爲四方積盜之窩各省指名提犯者紛
如落葉府君先按村庄人數造戶口清冊冊內載各村
男丁年貌按冊探索無不弋獲以是遠近提人犯者隨

提隨得前任直隸制軍方公

觀深嘉之辛巳

科

不孝調元以會試薦卷取中副榜充內閣中書與國子
監學正人稱爲中正榜府君與書曰紫薇舍人與國子
先生最極清貴將來鼎甲之基也勉之壬午十一月署
涿州所謂天下繁難第一州也王畿總漕差使絡繹府
君日則應付十五省驛務夜則審理詞訟倥偬之中自
覺游刃有餘時涿方災旱奉旨賑濟府君嚴查胥吏
務使均沾實惠復自捐俸煮粥加賑一月時不孝調元
補國子監學錄府君召至虛溝橋謂曰終成進士乃佳
耳明年癸未不孝調元會試第二名捷音至涿府君諭

童山文集 卷十八
日旣成進士又喜高魁然不得翰林不貴也閱月不孝
調元 殿試二甲十一名擬鼎復失府君論曰翰林與
鼎甲固無間也五月 御試第五名選入一等 欽點
翰林院庶吉士府君書訓不孝曰館選可以酬讀書之
志矣但須刻意詩賦方不愧爲詞臣汝其勉之九月題
補天津府海防同知甫到任卽奉差查南岍河工途中
聞先王母訃府君卽日奔喪傷慄尤甚不孝送至涿州
十六里蕭寺中拜別府君謂曰汝可回矣大司寇味經
先生田吾與汝同師也嘗謂謙卦六爻皆吉此一字可
以奉之終身戒之戒之歸里後安厝事畢爲邑侯楊

周冕所聘建東門石橋造魁星閣創雙江書院葺楊公
以府君精能信實賴以濟事而府君亦欲倡起人文不
爾繁瑣故居家三載亦席不暇暖云丙戌不孝調元散
館改授文選司主事府君將來京途中聞之書諭不孝
曰衙門雖改官階轉優况天官爲六部之長而銓曹最
清要之地汝須留心部務和好同事取重上官精神自
惜而才華收斂則老父可無憂矣不孝調元謹拜命不
敢忘府君抵保定卽署霸州又署薊州皆甫閱月卽歸
事去之日父老攜幼泣送者不絕於路丁亥提補官佐
府同知駐新保安城孤人稀竊賊最夥府君立查更之

法以紅布製小旗三十二面半爲守旗半爲望旗蓋取
守望相助之意夜先以守旗傳各巷巡夫領去四更遣
人另以望旗換回天明卽令巡夫當堂驗旗如非望字
號者查出立責以是地方寧謐奸宄潛踪府君以地僻
無事携孫朝礎前往自課戎子四月調順天府北路同
知尙未引 見卽委辦平谷城工府君往來城上巡視
一磚一石無不過目又署密雲承辦木蘭 大差是時
十日晴雨間作府君日夜親身督辦不避風沙馳驅塵
泥中不得寢食者凡兩月又兼以審理剪髮案已得評
陷實情而詳稿未定 行在軍機大臣差筆帖式提犯

府君不肯給發爲軍機所叅旋蒙本道明公面稟 大
學士忠勇公公以府君實屬能事其勒犯不發乃傳聽
之誤奏請寬免奉 旨仍回原任府君以 聖恩高
厚思報萬一乃於 回鑾之日俯伏道旁恭接

聖駕請罪謝 恩蒙 上垂問曰你是李化楠否會辦
事已饒了你了府君摘帽叩頭 上回顧大臣笑曰這
胖官兒可謂強項矣府君軀素壯大故云人皆謂府君
半世辛勤得邀 天語褒嘉遭逢實爲難得開府當在
目前而不知心力兩勞病亦從此伏矣時新制軍卽前
任浙撫楊宮保公爲府君一生知己恩憲又備員屬下

道出密雲聞此信亦深嘉之府君亦自謂有緣不惜鞠躬報効而制軍亦深信府君忠誠可托方欲保薦大用而府君旋卽去世矣嗚呼痛哉今年四月不孝譚元奉侍宜人來直圖團圓之樂乃不孝譚元北闈下第而在平谷喪七弟在密雲喪八弟運數乖蹇無一遂心之事又兼公務勤勞刻無寧晷雖到京一過不孝調元欲得從容奉饌不可多得十二月十九日到京之時不孝調元先爲本部堂官保舉堪勝直隸州知州私心以作京官久不諳作吏且目擊府君作吏苦辛是以遲遲欲辭請之府君府君曰功名有定朝廷官豈可擇著做

耶旣而引見未用府君聞之謂不孝曰可謂天從人願矣遂往盤山而去然不孝竊窺府君精神恍惚再四請問又不答二十四日過京請安府君謂不孝曰我前日病今清白矣是夜宿不孝寓不能寐復起飲酒盡一觥乃稍稍卧先是壬申在餘姚亦以勞心過度有痰迷之症已經痊愈不發者十七年矣是時府君早起坐不孝調元於床沿謂不孝曰我病中恒恐恐然似是怔忡今雖好然心內懸空急需以補藥調養命不孝抄方隨帶不孝以府君語言明白絕不疑前症之發嗚呼孰知二十七日於保府舊病忽發痰氣上迷竟致不救相隔

才兩日遽成永訣。哉府君爲人壯貌雄偉，氣度豁達而一種磊落英爽之概，恒使人對之而生敬。平生樂談陰騭，奉行功過格，惟謹期於累萬。故匾其廳曰萬善堂。每云白日莫閑過，每日須撫躬自問，必作有益之事數件，方不負此光陰。遇事鎮靜，終日無情容，故他人每驚疑未定，而府君一言已決。且料事多奇，中然精明，中常存渾厚，絕不討人便宜。曾鑄吃虧圖章，以自警。處家喜儉，約衣帽，但取溫暖。登仕後，始脫布袍，然終其身未嘗穿一華服。自供不過腐菜，常曰：咬斷草根，百事可做。性極孝，先王父母在日，旨甘必親調，出外必屬宜人烹飪。

法所著有醒園錄，人皆傳抄。先王父六十雙壽大慶，在浙徵詩，彙成部名曰鴻案珠圍。遣人竭水陸之徵，以獻。旋因先王父愛田園之樂，不肯就養，祇迎先王母至浙。公退輒侍坐，歡笑依依如孺。慕友于最篤，一飲食必相共，未嘗頰頰對。宜人尤相敬如賓，從未怒聲疾色教子。以義方嘗謂父子不責善，故失禮處輒委曲開導，不孝調元自服官以來，所寄手訓較先正格言尤精。故祿爲一冊藏爲家傳，以見府君無事不可對人處，重族誼，先是獻賊之亂，族譜已失。府君捐資重刻，白高祖諱，厚而下定爲五世作宗支派歌四句，以相傳衍，捐地立祠堂。

於雲龍山之脚買祭田廿畝清明掃墓冬至則演劇於
祠堂血祭畢合族綴食每歲爲例愛賓客至則豐酒款
洽竟日故蓬門外輒車馬喧闐與人交始終如一馭下
嚴而有恩隨才器使不苛小過故莫不出力思報而其
居鄉也尤能和睦鄰里有紛難者得一語輒卽排解好
周急乞貸者必量其意之所欲以與之負者亦不與校
親友相招者必步行恐騎從擾人也途遇鄉戚雖年極
少馬必下以是遠近翕然同聲兩遭大喪弔者數千人
半有不知名姓者亦盡哀而去時邑侯楊公嘗以事過
南村見百里內皆白衣冠歎曰此李公德所感也故每

出仕送三舍者常百人其得輿論如此其在官也總以
愛百姓爲主從未妄出一票曰一點硃不要緊受票傳
者必一路哭矣約束吏役甚嚴在直辦差所需車出自
閭閻者雖甚澤槪屏不用但就各吏役家所有先使人
查封再出重價以償既不誤公而吏役亦因以獲利故
公事叱嗟卽辦且慣習勞苦遇有差委緊急事雖濶渡
深淖每策馬先涉之陷大渠中濱死者幾數以是人皆
用命在滄時緝賊不用健捕令四鄉里正就所知之犯
稟報卽擒當堂給銀牌花紅以旌之鼓樂送出遊街故
所在地方少兎脫之賊重讞獄不好刑求先使盡其詞

復虛衷以聽之必水落石出而後已有犯重罪者求其
止而不得然後定案往往有身在牢狴而焚香頂謝者
曰我死固當難報李公心耳以是上臺審理叅革重案
輒以委府君既成信讞復經他員翻供者府君必面請
上憲另委賢員卒照舊案歸結如在保易贖之前所審
任某一案其明證也所著有治姚紀畧二卷精律例刑
名不請幕賓處繁劇一切文案皆手自批發嘗謂人曰
做官有六字訣眼到心到身到得此訣則閹人無權而
一應舞弊事庶可稍清敏於稟啓每倚案起草數行膽
真嘗苦不及與友人書寥寥數語而詳明周到蘓黃尺

牘不逮也府君素清廉兩次監密雲懷安城工及居庸
關碑亭皆自携餅餌凡地方供給皆不受卽家人亦不
敢受一錢是以上臺器重信服凡歷任府廳州縣十一
處承辦大工十餘起上臺每躊躇不得人輒曰非老李
不可先是府君垂髫時已立志爲名宦與羣兒戲自爲
假官旁列書吏皂役使兩兒設爲兩造各以訟呈有狡
黠不以理訴者卽變色重撲之羣兒往往受杖而泣先
王父窺之謂人曰吾兒他日必爲老吏觀斷獄可知也
迄今追憶乃知其驗府君工吟咏春秋佳日輒以詩酒
自娛凡鄰里過從招飲索留句者輒卽席賦之所著有

石亭詩集八卷現任侍御劉乙齋先生諱天成爲之序尤熟於韓蘇詩能暗背全集有手選各大家詩數卷擬刊未果喜書畫官餘姚日名不孝調元譚元來浙攻書延名師課讀以川中書少通購古今書籍數萬卷以舟載至家造萬卷樓以藏之命不孝調元偕已卯孝廉陳諱灑者釐定正偽分經史子集四門編書目十卷名西川李氏藏書簿作序以紀之曰此吾宦囊也畫則斷自宋元明而下如趙倪沈祝輩真蹟尤所酷嗜鑒別尤精見絹紙色卽能辨其真贗所著百餘軸製一大樹藏之歲時撫玩而已清算法歸除因乘俱杓錯綜變化之


理居官時丈量倉儲有積年老吏不能算而府君彈指數聲毫釐不失者好騎射在滄州任時曹家等庄多回賊私宰耕牛日則聚飲以爲樂夜則四散爲奸列任官俱無可如何府君訪知忽三更起持弓矢率領健卒百餘人突至其地悉擒治之不孝調元嘗以蹈險爲諫府君毅然曰豈有畏盜官耶調北路文武兼轄有額設捕盜兵百餘人日夕操演躬自校射設堞百步每發必中營汛弁員等無不駭服平居暇餘常率不孝調元及家丁等於場圃較射曰此亦運甓之意也以故所歷之地無不闢有箭道喜種花木自浙歸來築補過亭以爲優

童山文集 卷十八
間之地以少隘又於祠堂前購一別業扁曰醒園丹徒
王夢樓先生諱文治所書也構造迴廊花庭數處有牡
丹臺天然床望江亭諸勝所藝梅杏桃李梨栗柑橘松
柏果幾及萬株外以土垣圍之使忠實僕柳發看守澆
灌曰俟我歸老必成林矣此吾天年之樂地也嗚呼痛
哉孰知十年之計已成而萬里之魂未返悠悠蒼天此
何極哉生前不留一言臨別未及一見大小數十口或
孤懸於塞上或散處於京師囊無一錢家在萬里笄笄
若此府君其忍棄不孝等而長逝耶嗚呼痛哉府君生
於康熙五十二年閏六月十四日午時卒於乾隆二十

三年十二月三十日卯時壽五十七歲原娶宜人羅氏
諱兆鰲公第二女以不孝調元官內閣中書 誥贈
宜人先府君去世繼娶宜人吳氏諱廷桂公女

誥封宜人子三長不孝調元己卯科舉人癸未科進士
由內閣中書補國子監學錄 欽點翰林院庶吉士授
吏部文選司主事宜人羅氏出娶胡氏庠生諱昇公第
五女 勅封孺人例封安人次不孝譚元國學生娶
熊氏國學生諱曰復公第四女宜人吳氏出次聲元繼
胞叔諱化榎後庶母史氏出女二長適庠生曹諱錫寶
宜人羅氏出次適儒業何諱人鳳宜人吳氏出孫三長

朝礎十五歲不孝調元出次朝磐甫週歲不孝譚元出
孫女三長字現任劍州訓導何諱人麟長子次字壬午
科舉人呂諱林三子三未字俱不孝調元出苦次咽鳴
不知所云



童山文集卷十九

綿州李調元雨村

四六上

恭謝 欽賜御製全韻詩及擬白居易新樂府摺

奏

乾隆己亥年五月十八日奉軍機處傳駐京提
塘劉瑞年領 欽賞廣東學政 李調元 御
製全韻及擬白居易新樂府各一部到 臣謹恭
設香案望 闕祇領訖

伏惟我 皇上德叶韶讖道宗河洛創成 鉅製綜

百六部全聲別著洪裁播五十章樂府洵矣 典謨之

奧猗歟 功德之隆述 聖神文武之鴻圖風雲動

色寓褒貶勸懲之大法日月長懸超三百篇而立則豈
百家能出其範圍彙四千載以成書將千古其尊為主
臬臣愚同捫籥學愧寒竿已幸叨玉尺之衡復 恩被
瑤編之錫荷 天慈之下逮榮幸難名仰 聖學
之深廣揚靡罄為此繕摺恭謝 隆恩

恭祝 萬壽百韻詩序

伏惟我 皇上紹統乘符循璣立象顯清輝於斗極
受靈筴於泰元尺五雲霄雀獻昭華之瑤大千世界龍
呈宛委之書固已月晷含祥乾維效氣塵清九服外銅
鼓於戎亭瑞卜三登耀金船於靈沼茲屈上章之歲

逢 聖壽之期香動萱階榮生桂闕黃暉煥彩捧來五
色之雲紫玉搗英鐫出長生之字合圖書者數千百所
敷文德者四十五年分衽席以同春盡輪裳而稟朔
而且西戎奏捷矢落天狼四庫搜奇字釐帝虎鑿空萬
里秋生苜蓿之風採錄百家香動蒲萄之錦武功彪炳
文治光華既庶事之咸康斯 一人之有慶加以詳求
民隱懋復 時巡飛芝蓋於南天啓紺轅於 北闕平
連齊魯河聲嶽色之間時協風雨葛葉杏花之外幾程
綠水滌是琉璃一路青山圖開金碧然而 睿慮方殷
於澤國 宸遊豈玩夫物華蠲白璧以成河駐 翠華

而望海蛟龍氣靜不馳竹箭之流烏兔光清常見扶桑
之樹無憂蟻孔金隄則紅豆一條齊發魚鱗石鍵則雲
連百里况乃 思敷赤縣膏被蒼生木鳳銜書芝池九
莖之露金鷄放赦草蘇三日之霖暢士氣於槐宮扇芳
草於萃野 青旂蒞止不費酒漿曜髮來迎報之窈麪
揚壽考作人之化 道穆垂裳聽康衢順則之謠風同
擊壤維 帝包元而履德維 天墮祉而發祥是以波
動榮光山傳靈響千官劍佩遙承吉慶之花萬國衣冠
共譜昇平之曲 神符太乙合東南朔以清寧星燦
長庚並日月岡陵而綿固生 聖人有道之世仰

龍飛誦 天子萬年之章願為虎拜敬陳篇什用代磨
歌

冰清玉潤集序

老夫耄矣未能借少年遊童子何知偏不喜與俗人伍
然南村晨夕長憶淵明東瀼風烟恒思子美則其勝事
有足志焉余家醒園舊為石亭菟裘之所營成別墅似
在李愿盤谷之間然俯澗依岡勢雖空曠連巢并壘地少
紆迴爰因樂水之懷還作買山之隱人非東野地似西
湖引溜栽荷當門種柳閣以崇而樹合徑以曲而花分
醜酒臨池可側山公之帽焚香掃石堪彈謝傅之棋于

以息焉亦足樂矣夫一邱一壑謝幼輿置身巖中半水
半山伸長統心遊物外此固幽人之逸致實亦曠士之
素心也然地有名山飲酒難逢知己人雖勝士吟詩須
對會家惟吾壻字號玉溪真同玉潤心無水炭却耿水
清豪似元龍齊襟期于湖海俊同司馬傲意氣以雲霞
省試空冀北之羣一時價重訪余至蜀西之勝十日款
留維時秋雨初晴朔風未冽深林着屐高榭披襟坐明
月之二分當雄風於千里而吾壻每從容次和先得予
心抽架上之書嘗窺鴻寶探囊中之鏡早獲驪珠響出
行間不驚人而不止香生楮外每遇物而偏工五字城

高得隋州之俊爽六朝體麗有開府之清新遂疑歌有
琴聲詩含畫意余也江淹已老愁無夢裏之花韓愈漸
貧空誇橐中之筆携百篇而登百尺老夫須讓出頭每
一題而歌一章此人不可無一爰取樂衛自相品題集
效蘇黃遂成佳話正所謂蒹葭倚玉蓬華生輝者也則
讀其辭者當以薔薇浣手思其度者比之芍藥生姿矣

祝漢州牧胡一峯六十壽序

今 皇上御極之元年塵銷五嶽聽鐵馬而無驚慶
協三辰卜金羊之有喜臯夔在位鼎調水火之爭方伯
連州壘壯山河之氣澄清半壁上游無非謝公綏撫方

章山文集卷十九
隅中間更多名父而我牧伯一峯先生浙水高門川中
名幕爰由邛郡移署繩鄉王休徵望重三公先著海沂
之績陳中舉名高一代暫收荆楚之功將大行焉有所
試矣乃若先生神遊象表學架區中本自游龍所
至輒興雲雨常爲鳴鶴由來直上雲霄委屯務者三年
去則父老攀輿而泣從邊隅者萬里還則露布倚馬而
書障東逝之百川聞中之金城永固排西流之故道保
寧之全境無虞而且庠序粵新人文蔚起民風還樸訟
事不興昔處閒况之曹揮毫無暇今掌劇繁之縣游刃
有餘清心常湛水壺庭下時看瘞鹿妙用恒同玉尺案

前不爽燃犀用法無私不挫庖丁之鋒鏘臨文靡忽偏
窮旁午之紛苛方坐理于巴西春風爲之拂座追分猷
於廣漢膏雨遂以盈郊開門與子固之謠滿道感季方
之化東臯布澤牛不喘於田間北野徵糧賦欲流於地
上是以祈雨則甘霖立沛多稼如雲對民則霽顏以詢
三冬亦暖愛之如慈母敬之若神君論其德直上溯胡
公之屬而莫加論其清不啻祖胡威之絹而更勝譬之
光弼寧戎旌旗遂爲改色一若武侯作相壁壘頓以殊
觀誰謂治中不足展百里之才長史未可入九重之聽
也哉昔公琰負社稷之器竟掌鈞衡子通具文武之才

旋膺封爵而先生簪纓行於當代圭組盛於列朝是以龍章寵錫白髮邀恩鴻案珠圍齊眉共慶增列三株之樹瑞氣森森屏列四照之花祥光靄靄某也快聞弦於入邑已知趙軌能清及奉塵於登堂更識劉宏有禮蓋半生慕義久懷嵇阮之清而兩世論交實見紀羣之雅名傳黃口信今日所希逢頌比青天實古來之未有迺者戊戌之月將乞算於北辰乙卯之辰且注齡於南斗此黃花之九日序隔四朝當白雁之三秋筵開六秩滿城耆叟咸歡舞以躋堂闔邑兒童亦謳歌而遍野君子歌無疆之祉小人慶難老之章客盡持觥望青牛而

東度予將吹笛奏黃鶴以南飛矣

祝綿州州尊王雲浦六十壽序

蓋聞循良之傳兩漢列於編慈惠之師三河稱於表是以寵茲賢牧別造玉麟秩進上公專馳畫鹿然而事權不久才或未竟其心利器無分功或有違於志矣而况飛芻挽粟地當水陸之衝旁午軍書屢屆兵興之役非藉撫綏於召父難期含鼓於堯民茲幸太尊雲浦先生用德為才以仁行義靈鍾彭蠡廬陵本文獻之邦派衍瑯琊豫章寶多材之地杏園對策摛文丹鳳樓前綦水鳴琴建績再驩境上遂領瀘江之重鎮迭署重保之

名都三捷名傳羨書生乃能辦賊一麾不次信
予不肯負人由資而達而忠幡熊屢度爭栽百尺之棠
由茂而酉而綿竹馬初迎已秀兩岐之麥或謂公清若
水咸言君惠如膏比人在於鏡中神明可感若兵過於
席上保障無憂不知存不忍以爲心本無私而出政憫
勞人之已困惟愛人不致傷人識多事之維艱欲省事
遂成無事何煩破柱蒲未試而先威四 投書薤相傳
其自拔冰壺皎潔笑劉寵何用一錢玉尺溫良較廉公
寧唯五袴化行無欲績報有成茲當星見之期共獻日
升之頌人皆云年豐由於人壽而不知家慶實承國恩

蓋先太翁由黃甲而登黃堂爲父子一門之盛事故
我公旣善繼而兼善述居兄弟兩難之中問唐棣叶
翩反之華同居實同張藝井曰得齊眉之助相敬無異
孟光以故膏雨和風四邑之謳謠旣遍而怡聲柔色一
庭之孝養彌歡蘭桂森森無非廟廊之器芙蓉葉葉堪
充獻壽之杯耆叟咸踴跳以躋堂兒童亦懽騰於道路
將見頌無疆之福盡四邑以皆然廢難老之詩合萬
而共祝矣

祝周母鄒孺人六十姚孺人五十合壽序

南邑夙號名區周氏尤爲著族相承朱紱代有聞人獨

富青箱時多秀杰自郴州公辛酉鹿鳴與先君吹笙鼓簧之誼嗣文安公庚辰龍變復與予訂投編贈紵之交因悉棣鄂八人俱有元愷之目中雖桂攀三雋不出厨俊之稱樹在階前珠皆照乘珍當席上玉盡連城竊嘗歎此寧馨乃復聞其懿行則鄒姚兩孺人其家事有足稱焉鄒孺人系出考父籍居武昌幼毓蘭蕙之姿早習蘋繁之訓振佩出延陵之室將車歸江夏之庭謝馬氏之資裝偏能椎髻操梁家之箕帚但遇澣衣洗手調羹獨得之忤齊眉捧案恒同君子之心姚孺人家在

蓄德早著聲于三黨承歡尤盡禮工

前歲推櫛士每縫裳于牖下亦號針神雁借弋將雅叶彈琴之操鹿車既挽爰修提甕之儀問夜相求聞鷄有戒登堂饋食叱狗無聲凡此皆爾孺人闔範所由來為閨闈之創見繼因長尹迎養高堂旋聞舅翁已捐館舍一則四子年甫垂髫一則三兒齒皆黃口廿年夜雨鳴機同和誦讀之聲半世秋風斷杵共警搗砧之夢養雛成鶴誰憐寡鵠淒涼有子雕龍肯惜和熊膽苦六十年之歲月罕窺喜怒之容五十載之風霜辛盡劬勞之力是以鯉庭奉教圭璧之譽日隆鸞鳥寢無憂鍾釜之怨不作由是立身行道皆因畫荻之所成

重山文集卷十九
卽此顯親揚名難保丸參之所得洵足配美於栢舟允
堪流芳於史策茲者月當孟夏歲在甲寅兩壽筵開啟
璇堂而懸彩幌雙逢桃熟帶玉筍而舞斑衣鶴髮宜年
欣逢添屋龍章錫嘏喜見開樽而兩孺人膺三錫之榮
神明益茂備六珈之禮齒髮未雕顧我不文虛備官于
太史念予世誼許效祝於華封爰從雲谷之書兼讀書
倉之序乃拙兔頰用啟船顏昔曹大家之淑範用享高
齡宜文君之令儀因登上壽况乎三鳳旣鳴造樓尙餘
五鳳雙龍同躍下食還有六龍佇見兩兩邀封起居八
座重重待祝遙賀百年矣

祝張太翁劉孺人七十雙壽序

益聞書稱五福並美遐期詩咏百年同推洪算是故金
公木母流傳曼倩之桃椿樹萱花並紀安期之棗欲知
無美之不具須識有開之必先惟我敬翁太先生系出
清河家原鄰水青虬馭節萃維嶽以來歸黃鶴翔軒應
列星而誕降門垂舊德戶啟新祥夙負英姿幼悖至性
馳芳聲於學校國士誰雙振異采於詞壇文章罕儷關
西夫子盛德堪儀東郭先生清修足式燕山萬竈常借
晨炊薛邑千緡每焚宿券排難尤推郭解驚座不減陳
遵至于塾訓睦家敦孝友春秋逾劬日月彌高尤其

真山文集卷十九
里誦太邱之賢州宗叔度之化者矣至於內助維賢實
與外言無間如我劉太孺人陶唐之孫代多賢士彭城
之裔世號華宗早著令聞夙嫻閭範柔嫺慈孝出自性
成言德容工不從人授旣鼓瑟以合昏便舉案而齊眉
南阮名流不繫情於犢鼻仲卿佳士豈嘆困於牛衣躬
親操作寒暑不辭身任勤劬晨昏靡倦紉箴佩幌曲承
堂上之歡饋食餉田詎慚廡間之事而又熊丸佐讀書
荻陳書雖同鄒母不煩徙宅之勤未授雷池竊慕封鮐
之意抑又可以兼郝鍾而較勝軼桓孟而無慚者矣凡
此儀型足追在哲仰茲懿行定啟後昆以故篤生令嗣

偉爲望人素號書倉久推學海蜚聲譽序居然荀氏之
龍揆藻文壇不下邾家之鳳選膺青錢之萬獨奮垂大
之雲獻雖白玉之三終破乘風之浪惟其鯉庭有訓是
以鵬翮終騫久坐鄭虔之瓊常思視寢忽捧毛生之檄
得慰承歡迄今丁酉之首春正屆高堂之七秩人閱壽
域天錫昌辰錦筵麗以初陳異香遶而不散衙開薊北
梅芳競曙雪之先瑞滿燕南介酒恰元宵之後借竹馬
兒童之舞全當老菜採杖鳩父老之謠移稱杜母况夫
嶄然頭角盡是渥水之駒森爾蘭芽都是藍田之上金
甌濺水玉竿傳觴斯亦東海不足以添壽南山不足以

比福者矣而乃九重錫詔頗膺紫泥之封百姓傳觀永作黃髮之式斯時也賓從如流榮華似海董雙成之贊瑟調發雪璈王中散之行厨肴陳麟脯即使他年集福應期願而更多何況此日同栖又駐顏而返少也哉

童山文集卷二十

綿州李調元雨村

四六下

祭諸城相國太傅延清劉文正公文

嗚呼地折幽燕山頽泰岱仰泰階而曉落指台宿以宵寒九重聆訃而咨嗟臨朝罷講百辟聞薨而震愕奔奠盈衢蓋隕厥元良固普天之所共慟而喪其表帥尤羣屬之所私傷惟我相國裔接陶唐族高齊魯秉清剛之正氣挺純粹之明姿早馳譽於清華歷邀恩於上苑論遭逢之盛蓋漢唐名相之所絕無溯功業之隆實姚

東山文集卷二十一
宋諸臣之所未有當其應期命世維嶽降神穎異少年
飛騰中歲浩浩百川之學汪汪千頃之文金殿臚傳羽
儀三署玉堂佩委袖領羣仙四海願望夫東山三廳競
推夫南董書抽烏册五丁能役風雷錦出龍梭六朝不
誇月露北門實資鎖鑰東觀盡博圖書金馬承明鳳詔
宣從乎楓陛瓊條揮羽鸞坡路接夫槐階遂爾 聖眷
彌英天綸重播採花秋實白鳳鳴祥輔翼春闈黃瓠頒
賜 內廷入直早知頗牧之在禁中當殿宣麻爭傳許
燕之立朝右至若容臺秉禮麟閣推三禮之宗重席談
經虎觀重九經之庫詩歌則陶情寫意歎玉溪昌谷之

非工纂錄則摘 可咽夾深貴興之未博石渠諸子
聆而傾心金匱群儒望而咋舌况復平衡乎水土因而
敷歷乎外中位應三台淮海望中丞之節階崇八座河
隄行使者之車洪荒免百姓之魚舟楫殺陽侯之怒功
齊神禹治贊唐堯若乃衮衣繡裳借哲人於臺閣朱旗
絳節資文學以保釐如馮翊之屬蕭比潁川之借寇民
悅來蘇之雨士瞻采芑之風建牙攄察吏之猷胸如觀
火弭盜著安民之畧面若凝冰至於屢掌積運之權暫
縮挽輸之寄鄴國足關中之策武侯屯蜀地之租身臨
貔虎之軍月明黃鉞念切麒麟之象雲掃白旄因遺大

而投艱遂懷遠而柔通惟不爭乃能不辱知奇事必出
奇人當夫歸入九重位高百職身鄰斧戾口吐絲綸
眷風重於覆甌任獨隆於和鼎陰陽隻手玉燭調宇宙
之平霖雨片言金鏡納乾坤之大賜第薨連平樂入
朝兵衛羽林面折廷爭人憚王陵之愨老臣卧治
天憐汲黯之忠東閣儒生經筵而推老宿西番酋長來
朝而識大人洵爲名世之鹽梅真是熙朝之鼎鼐由是
兼綜部務總攝卿僚本屬宗伯之總曹長典秋官之重
寄恩流丹筆先立平反之科望重白雲人有不寃之恨
正刑糾慝國無害馬之倫翦暴詰奸市化飲羊之俗地

乃位隆冢宰權重平章爲天部之表儀作周官之綱領
百爾咸歸董正六合仰藉衡平月鑑空明懸秋宵而益
朗川流澄澈當潦盡而彌清正以率人不讓清平之琰
玠公以持已自媿無滯之裴王此其激濁而揚清尤屬
超前而絕後蓋嘗親炙公之丰采摠計公之清操履忠
順以事一人持庶節而光百辟獎忠直而真材屢進
懲貪汚而世路肅清默握樞機皆匡主濟民之畧申
明典制多安邦定國之謀終始完名寰宇瞻其丰采後
先贊治朝廷重其典型因其庶績之咸熙益至百揆
之時叙以故兒童皆知司馬蠻貊亦畏王商西京則爵

均蕭曹北宋則名齊韓富賜書班固代有文人傳授韋
賢家傳名相五十餘年三省魏重咸陽二十四考中書
唐稱尚父陸敬輿之外玉內聖有以加諸李文饒之選
服邇安無不逮也宜乎商山四叟歌眉壽於封留孤竹
二君頌大年於釣渭者英有會非曰一人之私元老長
留實乃百姓之福何意虞淵已迫緱嶺終遙豈真聞朱
鳥之來臯比忽而坐化恍若跨青牛而去鷄鳴遂以無
踪嗚呼虎賁無可似之形羊曇有不由之徑客來床下
淒其百尺之樓士集府中閭若孤懸之榻真百身而莫
贖邈千載以何追某等夙荷栽培素叨陶冶仰平平之

無黨實休休而有容曲者輪而直者輶大匠初無棄物
警司鼓而聾司守至人亦許隨材以故盼昧而附風雲
便生毛羽唾咳而濡雨露不惜齒牙名愧機雲幸受知
於唐武才慚錄岱謬見賞於平原椽竹知恩樊桐感遇
欲作冲霄之侶誰爲二賓聊爲遇雨之人簡同五父向
寢門而雪涕廢華屋以淚零悵述德之奚窮撫中懷其
若割敬陳些語聊薦溪毛

祭曹三槐文

嗚呼芙蓉館主誰擁丁度之車遮須國王先寄劉聰之
信上天作記李賀終亡下地修文卜商遂喪駕緱山之

鶴逸矣白日飛昇網葉縣之鳧遐哉青霄遠舉此固洪崖之亞思舉手而謝時人抑亦許邁之儔忽穩坐而成羽化然而景仰前型何勝隕涕追維盛德可禁漣洏竊惟年伯大人孤竹名門晉陽華胄先卜居於蠙螭之寨遂定居於鷄鹿之城秀比藍田美如冠玉書通六甲史足三冬練王氏之青箱牙籤風動人馬儒之絳帳錦繡雲生試輒冠軍羣夸繡虎才堪倚馬並羨雕龍節月露之形別成六經之鼓吹挾風霜之氣洵稱五典之笙簧偶逢白樂之知遂傳燕許手筆既識荊州之面方知屈宋歌詞雖屢薦而失李薦已撫腹而咏邊韶學道王

何殊講義於河北明經楊震無異占象於關西玉石無淆不使濫竿之吹膏資有給寧偷鄰壁之光靄靄古人羣沾和風之惠濟濟多士咸沐化雨之恩望闕里之隆崇使人人知由義路觀宮墻之峻整亦處處共出禮門儒者宗之士林仰矣乃鄭虔之種可坐茅容之饌誰供爰動風樹之思欲採白華而致養旋痛蓼莪之廢徒樹萱草以忘憂誰知芝草中摧遂致松柯遽掩月照啼鵲之血風酸孤雁之聲哀既死而復蘇毀亦痛而幾絕卽此真情在我豈非至性過人蓋其立身行己之大端固已超乎儕輩而其養生送死之大節尤爲卓絕乎羣倫

者也所以積善高門慶衍先代居躬樹德佑啓後人珠
樹照映於庭闈芝蘭並秀於階砌擬竇家之桂枝幹扶
疎似王氏之槐柯葉繁茂或駕鵬程於萬里雙題雁塔
之名或觀鴻都於九重並揚螭碑之字譬之合浦並見
珠生擬以崑岡無非玉產踵前規而益懋沐家訓於凜
遵長君作宰秀山循聲洋溢乎南詔次君出牧滄水清
名遍著於北燕而年伯大人觀此心怡顧而色喜優游
林下樂有影之烟雲嘯傲村中受無邊之風月山間蠟
屐耽野趣之長水裏雀舟占田園之樂每當化晨月夕
了進霞觴常隨紫陌青街孫扶春杖真堪樂徜徉於仙

里長翱翔於帝都者矣何昊天之不弔致哲人之云亡
塵栖不撫之絃月照無人之戶哀哀令子拭淚迸濛啞
啞女孫撫心痛悼某誼忝年譜之末素仰先輩之型雖
未獲列後進之班趨聞提命猶幸得從嗣君之後側聆
訓辭方仗表率於寰區誰謂仙遊於天上嗚呼乘白雲
以極目淚洒高天登赤霞以凝眸魂消厚地未多樽酒
遙酌馬鬣之封愧少生芻敬結駒維三慕

示諸生文

責實循名罔貴青錢之選除奸剔弊尤嫌白璧之汚仰
惟 聖天子推崇學校三年而計以成功特選臣鄰

童山文集 卷二十一
一且而予之重任司文事者洵宜矢慎而矢公爲學中人更當相規而相勸事欲勸夫後効令不憚於先申今本院例在應謫之條蒙 皇上疊加不次之擢皇華之命再到爲難 特達之恩從來未有奉 紫宸之聖訓心凜旌旄每清夜而自思涕濡枕席期効涓埃之報故宣藥石之箴往者恭膺 異命至粵典試午闈思採白沙甘泉之真傳欲步昌黎東坡之遺範珠江瓊海堪狀文瀾梅嶺羅浮寶多鍾毓一班之玉筍曾收百越之青衿繼起今復忝持衡尺自問敢詡甄陶不過弟子之就正於師無威可畏莫言今人之遠不如古有志

竟成大抵試案之程以文爲重採風之券以行爲先禮樂詩書修之家者獻之國忠孝節義坐而言者起而行然後揆藻摘芳無非堅根固蒂誠以旣爲四民之首自當仰希百世之師五典三綱總向此中立根脚六經四子須知以外盡支流制行果屬端方吐詞須遵典則王唐歸薛成式未遙韓馬熊劉垂法尤近文惟其是清真與雅正齊登理酌乎中淺陋并艱深必斥總以發揮聖賢之蘊不在摭摭子史之辭經解則一本 欽編未可桃唐禰宋古學則兼長博物何妨陸海潘江較武果有出羣之英豪本院定加從優之獎拔所慮者複壁深岩

偶失向化通都大邑尤易藏奸雖然逆德無妨但恐賢
愚不等其或賦性譎張行乖倫叙居鄉武斷名玷公庭
倚仗紳衿挺身峻訟稍通筆墨作弊舞文甚而訕謗譏
評妄誣時事詩詞文字不凜 王章頂替而代爲捉刀
倩傳而兼之挾策躬不恤矣恥何有焉此皆郊遂之必
移豈容冠裳之濫廁至于定期考校更務肅我場規卷
有犯法之圖雖佳必黜場有交頭之語雖小必懲甲乙
面評決不移定衡於寮幕早晚日照尤不仗查察於騶
鈴得失本功名之常原宜靜聽是非有文章之價尤禁
誼譁至本院鄉關僻處並無豪貴之親朋寒素家風絕

少寄居之宗黨其或匪人劣棍圖撞木鐘指官招謗時
或因乎一面借名索騙貨竟不惜兼金藏跡捕風遍流
其毒含沙射影莫測其形偶或有此一條定難逃夫二
尺至於桃李舊植本屬公家之栽培冠履遠嫌豈容私
門之請謁入境以後收刺已令概辭考案所臨見諫名
宜隱避凡此諄諄之誥誠無非種種之苦心特爲早言
無貽後悔本院計年樹木漫奢多士於三千庶幾爲國
得人借報 主恩於萬一

萬卷樓藏書目錄序

蒼閩東南世族家有簡編摺紳先生人稱掩洽樓成蒼

童山文集 卷二十一
奕葉少蘊富矣藏書閣號清森何元郎多兮種架或誇
連屋絕勝擁城吾 父捧檄姚江王陽明講學之地烹
鮮繡水陸忠宣桑梓之邦景仰風流雅懷稽古操持冰
潔不羨金籬爰積分俸之餘時切傳經之意搜來兩浙
江外藏諸萬卷樓中蠹簡芸編零星拾得縹囊錦軸次
第裝成敢云盈茂先之車聊可比鄴侯之架無勞懷餅
庶待燃黎調元 七業未成四經不就一丁粗識無異宏
請課兒二酉偏觀實慚賈珣教子惟恐牙籤飄動移時
莫識甲乙丙丁用是緜裘標題今日先分經史子集培
之棊几敢辭鉛槧之功守作良田願效挈瓶之智

塔水塲駐防馮君四十壽序

蓋聞崆峒倚劍天漢投戈行武不之英雄壯志猶推矍
鑠嗣桓武而媲美鎮重北門領聖考以凝麻星輝南極
伏惟駐防馮君世居栢鄉望出上黨岐西華嶺畢公沿
十五之傳河北隆名魏萬分三晉之統迄洪武而分司
西蜀迨萬歷而移鎮松潘遷常山之故都居龍安之屬
邑祖爲副將賜書爭日月之光伯授撫夷秉鉞凜風霜
之氣惟公少懷異質穎不露于處囊長擅英姿才獨精
于刀筆分司塔水憑眺神泉望署彰明興懷廉讓持戈
殺賊萑苻之鼠竊皆殲仗劍驅奸郭溝之妖氛迅掃禁

博兼之除暴緝盜卽以安良他人未能勇行而公了無畏却今日堂前進酒時值強仕之年他時帳外談兵預卜遐齡之算更可喜者屏開孔雀光借瓊玉以相輝帶縮鴛鴦並附絲蘿而共結宜家宜室雖雝永叶鸞和而熾而昌奕奕長綿麟趾且又箕弓裘治欣看繼起之賢玉樹芝蘭早發階庭之秀轅門射戟爭羨公子登科泮水生香咸稱祖宗德慶際茲乙亥之十月已過甲子於四旬遠近鄉紳咸頌無疆之祉市廛商賈共慶難老之章觀多慶於門闌三重喜報懸弧矢于戶牖五福駢臻

昭覺寺道院禪師年譜序

蓋聞神通勝業非定不生無漏慧根非靜不發極心一處便是功德叢林散意片時卽名煩惱羅刹然而風裏之燈影既不現波中之月照豈得明故降伏四魔金剛有時努目慈悲六道菩薩亦爲低眉惟我道魁禪師者家住黃陂系出童氏身如明鏡法號了元少而精明夙秉靈慧長而好道早悟玄機耿直居心有排難解紛之概剛方自矢秉鋤強就正之風謁漢鎮之明師脫身入定受明禪之指示落髮灰心夜則朗誦曇花晝則時披貝葉遂繼領於昭覺兼開講于草堂萬化圓通早受廣師之戒一塵不染遂嗣圓悟之宗破巨浪以乘風雨飛

童山文集 卷二十一
南海之錫穿雲霧而見日一了西川之緣歸來十五春
秋譚經三十六載雖其人已往其語猶存琢句風清見
曾懷之滾滾浣腸月冷寫逸興之涓涓倘非彙之日編
何由綴爲年譜此釋迦譜系紀載必出乎衣傳猶儒氏
言行纂輯多由于門下也時維秋盡節界冬初有宏遠
之高徒託禮汀之令弟持其兄札懇乞余文竊嘗觀其
語錄覽其遺行實大振乎宗風因宏開乎象教立凶年
之賑濟普渡衆生嚴早暮之戒條長留規約重樓登閣
不惜萬金之貲鑄釜鍹鍋竟造千僧之灶又豈徒三乘
四諦探覺性於空虛五蘊千門契純真之法界哉

附

寄雨村老前輩詩啓

侍讀學士 王懿修 春甫 青陽

啓者記竹林之雅集曾附濬冲仰天上之謫仙羣推
太白頭來雁使得捧魚牋知聯語早奉記曹而扁額
尚邀台命更荷遠投珠玉正如親接芝蘭惠以好音
欣同良覲伏惟 老前輩大人英辭絢爛壯氣騰騫
以西蜀之淵雲爲南宮之冠冕翰林風月吏部文章
秘府抽思固早播詞頭之譽公庭論事寧徒署紙尾
之名曾擁節於皇華旋開堂於綠野捫參歷井流水
行雲峻望岷峨豪情湖海編玉溪之花萼記德裕之

平泉鄴架圖書細叅亥豕膺門賓客劇會雲龍崇大
雅以扶輪遍傳詩話聽康衢之擊壤亦寓文心庭自
傳經門多問字固行樂其多方抑賦閑之獨異侍弟
僑寓修門條臻老境自慚蒲柳敢比松筠謹賡繇韻
六章漫作窠書一幅相思千里寓投報之深情久別
十年思唱酬於往事溯潞亭之秋水許附仙舟對蜀
郡之花箋長思彩筆

寄呈雨村老夫子啓

門生 溫承恭 莊亭 德慶

啓者竊聞榷枿杞梓材歸削墨引繩墉壁琮璜寶在
收名定價耀黼黻文章之色青必出藍煊爨山粉藻

之觀白當受采短長合度玉尺須量小大皆鳴金鐘
待叩迄傳書于黃石橋邊孺子頻來思問字于元亭
酒畔高軒遙企伏惟 老夫子大人輪扶大雅障鼓
雄師唐宮李嶠司文晉代山濤啓事著述罄南山之
竹都鍊京研聲名高北斗之星顏陵謝鑠一枝麟管
校餘七子才華千仞龍門分出八厨聲價鸞鴛繡得
徧度鍼神荳蔻描來頻傳花樣充物溢珊瑚鐵網璞
玉渾金漑沾流瓊瑁書裝殘膏賸馥十二閑之驕驩
騏驎施鞭策而盡騁天衢九萬程之鸞鷲鵬鵬假羽
毛而皆翔日下出頭放士宋永叔自古幾人說項憐

才楊員外當今一个承恭青袍恨積紫硯辛穿長笛
一聲年少則時名謬竊英才五字命窮則科第淹遲
積風雲月露于箱中槐花紙滿繪草木蟲魚于筆底
艾蕪香薰自知謫陋堪羞皇甫謐之撐黎少讀深慮
沉淪可惜斛律金之勅勒思傳雖覆甌見輕擲掄有
鬼豈愈風驚起賞識無人史併羅胸回憶齒牙曩日
巳亥德慶以父父二字命題
荷蒙拔科試直書宮第一文權在手肯埋頭角斯
時禮易詩書幾篇帖括歌行律絕半册風騷走盤而
粒粒不圓珠亦明知九曲刻楮而磴磴易碎石偏惜
是一卷水乞翦夫吳淞雲望生于黠綴金淘沙磔腐

化神奇河東之彭寵懷慙豕獻白頭曷貴冀比之孫
陽下淚駒當騷耳爭傳鼓擊雷門萬言敢試評登月
旦一字祈褒緬私叔于諸人期有造乎小子步趨未
接款曲遙通嗟乎紅玉深藏那知太璞綠珠不嫁總
似無鹽年年第下劉蕡激昂誰問宦官之策歲歲放
歸韓愈刺非多咎貳過之文倒縹孩兒雖繡虎而比
同續狗此間僖父縱雕龍而視若塗鴉方雄飛豚栅
雞棲久後纔傳其句陸魯望酒旗風影當時少羨其
才此不躍不鳴寒士所以焚囊而感慨亦一縑一字
古人所以塑像而埋沉者也嗟乎象罔今稀投暗之

珠擎宜祕豐城人在埋光之劍發須干蓋俗儒惟知
引故衡材而明哲別出風塵取物序鷓鴣于阮籍曾
聞藻許張華成鸚鵡于正平不少狂憐文舉况暗中
摸索年輕曾荷青睛寧行卷請求魄落轉施白眼得
一不恨酣酒常呼拔十殊多望塵欲拜號門生而弗
敢柳州悲憤壯夫有所不爲龔豎子以成名安道游
揚下士聞而大笑宰相之書不上我豈妄哉瓣香之
祝偏殷客何爲者毋供諧諢敢布腹心

寄謝雨村老夫子啓

溫承恭

啓者竊考身附青雲畢生至願曲孤白雪屬和終稀

自知卷石殊頑敢道叱羊可化誰料解衣見泣偏容
鹽驢高吟草收歸詩話之中墨花並賜錦囊之作
此蓋老夫子大人栽來桃李一心護到開花網過珊
瑚兩眼真知是寶亭臯木葉有興頻哦金屋海棠無
香不笑集一狐之腋裁成六尺之衣修五鳳之樓採
用短長之木洵嗜痴而有癖比享帚以何如喜却生
狂情惡能已嗟乎晏元獻禮尊北面難拔希文牛僧
孺詩謁後塵不憐禹錫三都僖父左思賦笑平原五
色戰場蘇軾迷慙李薦恭獨披沙屢揀敗鼓兼收風
簷擢童穉之文當年人選山石拈女郎之句此日新

鐫姓名附著述而長存作序之鷓鴣弗似詞賦教流
傳以共見能言之鸚鵡皆驚知已相投何但磁針芥
魄美人圖報豈惟玉案金刀顧明月不見蛇啣而重
山空令鰲戴腰橫雙劍不如衰老侯嬴淚酒一莊長
歎荒涼陸贄竊自傷矣尙何言哉爰思日月推崇曾
見杏壇弟子因合淵雲作頌徧徵梅嶺英才和叶鏗
鏘先唱在陰之鶴贊邀游夏畧酬顧紉之遍詞編律
絕歌行譽重秋陽江漢雖一坏捧土何加尼父之山
而萬里揚風竊播袁宏之扇伏願老人子大人窮憐
東野之鳴甄陶諸子香敬南豐之祝眷念鄙人無力

謝青磨蝸命真可慨從何表白靈犀心冀相通莫云
崇奉虛文所吐無非實語三薰二沐倘或傳為佳話
連篇累牘珍歸一字一縑噫天下文章歎夫子之不
可及老夫衣鉢問斯人其誰與歸

寄呈雨村老夫子遊蜀詩序

溫承恭

僕少負詩名曾羅二十一史十六受知于雨村李學憲所錄文有曾羅二十一
之譽長慙科目命窮二十五年羣英歷自考棚科歲
四膺領袖時藝鏘于試牘文章屢入選樓平昔周泰四學憲試
皆拔第一經術辛勤政紆青以自信遭逢蹇滯竟脫
白之誰憐蘇東坡未放出蹊長可悲也李北海爭來

識面能無愧哉笑彼顏標豈尙聽冬烘之顛倒好從
校尉還思効弓戟以馳驅中原當用武之秋采薇歌
一作下土值談兵之會細柳營開黑闥黃巢寇闕襄陽
河內長蛇封豕氛連宜漢褒斜豫楚巴秦五路之鼓
鼙並震旌旗矛戟兩年之烽燧頻燃龍尾占星籌紛
借箸虎嶼踞地射聽遺書客有何人公子新求朱亥
才需此日趙郊恐失左車終子雲弃繻出關請纓確
知有路毛先生處囊脫穎見末更待何年倘任噉字
咬文吟風弄月遇合乞靈于詞賦屈伸聽命于主司
惡知鹽鐵千言不負寒牖燈火未必治安六策終爲

用世絲綸趙南星筆硯欲焚酸辛涕落班定遠毛錐
不用踴躍情豪毅入多年寧任英雄短氣材非棄物
那容迂腐唾人關河倘訪文淵請聚山川之米藥石
如求仁傑應登參朮之籠故險闕蠶叢不妨裾還暫
曳而棲依鷄障還期有志竟成嗟嗟丈夫坐歎雄飛
誰識趙溫慷慨老母寄留遠志總教伯約淒涼萬里
奔馳爾日之熱腸隱結十年牢落何時之屯骨終更
魏元成情托述懷感慨悲歌漫道君勿復爾子建表
求自試雄才大畧疇能我駕馭卿請白官狂尙希人

諒

寄呈雨村大人啓

門生 徐維翰 序

啓者恭惟大人北斗人宗西川物望英年對策雁塔
 題名早歲含香鶴廳聽政風流備雅煥五色之羊城
 月旦衡文探九苞於鳳穴握金針而造士秉玉尺以
 量才施化雨於南蠻適觀風乎東粵焦桐在爨飾以
 金徽枯竹辭亭珍於玉珩文真變豹士獲登龍乃以
 果達藝之兼得清慎勤之要文揆武奮廉車伏觀察
 之司義震仁懷集節寄保釐之任來蘇是望方欲穀
 我以此邦過化非誣尙冀借賢於斯地膺旬宣而登
 授維屏翰而重來雩偕童冠而乘風門等游楊之

雪請業請益函丈周旋亦步亦趨崇塔晉接事雖希
 有願豈全虛胡乃上官不容強項遂今下走竟憚折
 腰乘犢駕以返南山雅耽鉛業著鹿皮而歸西蜀帶
 嗜縹緗具論世知人之才極窮情寫物之識張敬夫
 之篋裡饒有異書楊子雲之室中率多奇字典墳之
 富踰彼劉歆評騭之精加於荀勗斯則景星慶雲之
 覩莫不仰其光儀鳳凰鸚鵡之文未足方其品格者
 也細論馬磨寒儒鷄窠下士合一十三學之選倅登
 於前領二十八人之班竊冠其首諸生鼓瑟別技均
 收仲氏吹埙榮施濫及弟組給人州家憲取學敢自號爲佳士

竟肇錫以嘉名

英才 賜盛世

星巖則偏許從遊

憲 召

七星巖練潭則頻呼唱詠

憲 過潭題有五言律句 荆 練命生舟中步韻

草備籠中之藥砭砭同席上之珍得與語而見知死

何足恨徒讀書而失業生亦為狂嗟乎虞翻之骨相

偏屯宏景之頭願已老守青箱於累世荒豈破天特

白戰於數科敗真塗地得而弗失氣已竭於再三蓄

而不通年且惡夫四十而且空囊羞澀併乏一錢負

郭荒涼曾無二頃椿樹既枯於東浙萱花尚茂乎北

堂即欲負笈以從未能絕裾而出爰是學詩而呼

子怨可以羣繫易以見大人奇而不偶腮暴甘

逢皆雞肋之棄餘耕十年所到等猪肝之是累深

為自愧罔藉人憐然而倒樹朽根念栽培之有自攀

鱗附翼欲就正以無由乃小阮方栽花於華陽姪念 高現

知華陽 縣知縣而蒞亭旋曳裾於梁苑廩生 溫承 恭 赴華 陽 縣 署書呈馬

帳往復僅爾怒怒神溯孔墻歸來直呈縷縷五言共

獻俾詩話之咸收七律遙將實詞壇之足貴矚同人

以諦視三復維殷擲孺子以全觀一辭莫贊恨不親

聆聲欵得以叨附輝光顧執鞭未服其勞捧土何加

於譽敬呈俚句嗟乎仲尼之教弟子大抵詩書禮樂

之常維摩之小文殊應在文字語言之外

